



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Gaudium Orbis Universi. Sive Lætitia Generis Humani.  
Augustissima Cælestium, Terrestrium, & Infernorum  
Regina, Deipara Virgo, Maria, Ex Qua Per Benedictum  
Fructum Ventris Ejus Post tot Myriades ...**

**Schmucker, Mathias**

**Glacii, 1689**

Salve Regina. Ode I.

**urn:nbn:de:hbz:466:1-38142**

Salve Regina.

Ode I.

1.  
**O** Vota cordis aurea!  
 O aureos amores!  
 Quis Te sonante barbyto  
 Chely, Lyræque Virgo  
 Celebrare Vates incitor  
 Sacro repletus igne,  
 Tuæ disertus gloriæ  
 Laudique Nominique.

2.  
 Cantare mens est Virgini,  
 Huc barbytum choraules,  
 Amoris urget impetus  
 Aptate fila Musæ!  
 Si chorda desit, pectus hoc  
 Nervos, dabitque chordas,  
 Et venulæ testudini  
 Inservient canenti.

3.  
 Magnæ Parentis Nomini  
 Stat insonare carmen,  
 Afflate numen pectini  
 Hyantiæ sorores;  
 Hoc Phœbe pectus entheo  
 Inebria furore!  
 Tu Nazarena flexilem  
 Adverte Mater aurem.

4.  
 Sed ah! quid amens improbam  
 Vilémque tento cannam!

Quid insolenter Delphicam  
 Mando, biboque laurum  
 Agrestis audet Delium  
 Arcas movere plectrum,  
 Lyræque blennus unguâ  
 Doctas ferire chordas?

5.  
 Audet MARIÆ cælicas  
 Infans, rudisque laudes  
 Blæso ciere carminis  
 Choragio Poëta?  
 Cui Phœbus ipse Pastor est  
 Vili strepens avenâ,  
 Cui se fatentur impares  
 Parnassides Camænæ.

6.  
 Amusa Musa musico  
 Est imperita nervo,  
 Vultumque pallet anxia,  
 Et rusticam fatetur  
 Thalia se Poëtriam,  
 Laurique quærit umbram  
 Abditque tectam Phocidos  
 Testudinem sub antro.

7.  
 Fons Castilis nil enthei  
 Scaturit, & propinat  
 Liquoris, instar gurgitis,  
 Aut fluminis MARIÆ.



Cum turget æquor gloriæ  
Pontusque gratiarum,  
Nil gutta confert dotium  
Torrentibus Tuarum.

8.

Ex ore Nata prodiens (a)  
Altissimi Puella,  
Semel loquens omnia  
VERBO creantis UNO  
VERBI PARENs, cujus me-

los

Cum vox sonat columba, (b)  
Omnes silent Cælestium,  
Terrestriumque voces.

9.

Elinguis est Facundia,  
Et infiderta Pallas,  
Collis biceps silentio  
Plus Caucaſi laborat,  
Loquente Cælo dulcius  
Quid muta Terra tentet?  
Buxus procul Silenia,  
Et arundo fit Menalcæ.

10.

Æbur remugit Orphei,  
Linique chorda ſtridet,  
Amphionisque barbyrus,  
Arionisque plectrum,  
Caucó ſonant discrimine  
Et obloquantur odæ,  
Arere ſila pollicis  
Et pectini reculant.

(a) Eccli. 24. (b) Cant. 2.

11.

Si cælitæ Acredulæ  
Et Alites choraulæ  
Sunt impares, ut Virgini  
Tantæ canant triumphos,  
Quid pippiat paſſerculus,  
Fritinniátque Progne,  
Cum ſit Phonaſcis omnibus  
Auguſtior MARIA?

12.

Ergo rigens, & arida  
Nullo liquore penna,  
Cum torpeat, nec urgeat  
Sacro calore vena,  
Preſſoque vox ſilentio  
Humana conticere  
Cogatur, & muteſcere  
Vox, lingua, penna, ple-  
ctrum.

13.

Reſolvo chordas: angulo  
Teſtudinem repono,  
Cytharæq; promptæ cantibus  
Soluta ſila laxo;  
Caſtigo vota: dexteram  
Reſtringo prurientem,  
Humi ſtrepens non ambiat  
Sublimiora pecten.

14.

Admitte tantis imparem  
Et frigidum, MARIA

Encoꝝ



Encomiaſten laudibus,  
Aſt ſupplicem Clientem,  
Ut pronus ore, nomine  
Te proprio ſalutet,  
**REGINA!** Mater annuis?  
Aurémque pandis? ergo

15.

**REGINA SALVE:** machina  
Cui tota ſervit Orbis,  
Cui ſervus Æther ſternitur,  
Et Stelleæ cohortes,  
Turmæ micantes ſiderum  
Fixæque, mobilésque  
Negotioſæ geltiunt  
Lunare ſervitutem.

16.

Quid Penthe - quæris glo-  
riam  
Amazonum - Silea?  
Quid imperare conjuge  
Semiramis Sepulto!  
Syros licet Zenobia  
Sceptro regat, premátque,  
Regina nulla dicier  
Præ Te poteſt **MARIA!**

17.

Regina Tomiris audiat  
Scythis potens ſubactis,  
Cleopatra jaçtet purpuram,  
Ægyptiúmque luxum,  
Et ſub coronæ vinculum  
Arabes, Syrosque cogat;

(e) Iſai: 11.

Hæc ſceptra quid? quid pur-  
puræ  
Ad Regiam **MARIÆ?**

18.

Valete vanæ Principes!  
Amazones valete!  
**REGINA SALVE** cælitum  
Et Orbis Imperatrix,  
Ter centies, ter millies  
**REGINA VIRGO SALVE**  
Omnes faceſſant cæteræ  
Tu ſola **VIRGO SALVE.**

19.

Illime cujus mentium  
Genus pedes adorat,  
Suppléxque, veſtis auream  
Exoſculatur oram,  
Sceptro & coronæ Sub-  
tum  
Se ſternit ad tribunal,  
Tuum ad tribunal gratiæ  
Manſueta **Virgo SALVE.**

20.

**REGINA SALVE!** florida  
Amæna Chloris horti,  
**JESSÆA RADIX FLOS**  
**LUM**

Quæ germinavit Orbi.  
De ſtirpe florem Virgine  
In Nazareth roſeto,  
Cum flore fructum, per  
Mortalium ſaluti.

21.



21.

Zephyritis *auræ filia*  
*Divinioris UNA,*  
*Tot inter UNA filias*  
*Et UNA sola sponsas,*  
*Electa, digna dicier*  
 Magni Parens Tonantis,  
 Dei thronus, cui Trinitas  
 Infedit *UNA, SALVE!*

22.

*Integritatis Clusia (d)*  
*Aperta porta nulli,*  
 TER SANCTA PORTA, lu.  
*minis*

*Soli reclusa SOLI,*  
 SOLI Deo PATULCIA  
*Quam transiens migravit*  
 Pulsurus, ad nos, fonticas  
 Mortalitatibus UMBRAS.

23.

Aurora lucis Prodroma,  
 Noctisque fulminatrix,  
 Et Memnonis Puerpera  
 Illuminantis Orbem,  
 Orci tenebris horridum  
 Nigræque nocte tectum,  
 REGINA SALVE LUMINIS  
 EOS QUE GRATIARUM.

24.

REGINA servientium  
 Sublimis Angelorum,  
 Cantata mille laudibus  
 Et Alitum choragis,

(d) Ezech: 44.

Quam mille nube penfiles  
 Ephebuli coronant,  
 Salamandræ Amoris æmuli,  
 Et cælitæ Pyraustæ.

25.

Te Patriarchæ Principem  
 Flexo genu salutant,  
 Te sacra *vatum* numina,  
 Et enthei *Propheta,*  
 Mundi Patres *Apostoli*  
 Dius Senatus Orbis,  
 Jugicanunt certamine,  
 REGINA VIRGO SALVE.

26.

Et purpuratus *Martyrum*  
 Exercitus Monarcham,  
 Te confitentur exedræ  
 (*Sacri Sophi*) *Magistræ,*  
 Te liliatæ *Virginum*  
 Candens chorus, columbæ,  
 Æthérque totus insonat  
 REGINA VIRGO SALVE.

27.

REGINA MATER GRATIÆ  
 Miserumque DIVA SALVE!  
 DULCEDO, VITA, NOSTRA  
 SPES,  
 SALUS, CHARIS QUE,  
 SALVE!

Ab Exulis nunc vocibus  
 REGINA VIRGO SALVE!  
 Donec beatoribus  
 Te in patriâ salutem.

C

Mater